


## 2024 жылы міндетті әлеуметтік медициналық сақтандыруға ЖК қанша төлеуі қажет?

- ▶ Жеке кәсіпкерлер мен жеке практикамен айналысатын азаматтар өзге де әлеуметтік аударымдармен қатар МӘМС-ке белгіленген жарналарды төлейді.

Жарна мөлшері ЕТЖ-нің 1,4-еселенген мөлшерінің 5%-ын құрайды, **яғни 5 950 теңге.**



МЕДИЦИНАЛЫҚ  
САҚТАНДЫРУ  
ҚОРЫ



ФОНД  
МЕДИЦИНСКОГО  
СТРАХОВАНИЯ

# ЖЕКЕ КӘСІПКЕРЛЕРДІҢ МӘМС БОЙЫНША СҰРАҚТАРЫ



 QOLDAU 24/7

 1414

 SAQTANDYRYBOT

## Жалдамалы қызметкер болып табылатын жеке кәсіпкер МӘМС-ке жарна төлей ме?

- ▶ Иә, себебі бұны «МӘМС туралы» Заң талап етеді. (28-баптың 3 және 5-тармақтары). Яғни ол ЖК ретінде (5 950 теңге), сонымен қатар жалдамалы қызметкер ретіндегі жалақысының 2%-ы мөлшерінде жарна төлейді.

Жұмысы тоқтатылғаны немесе жұмыс істемейтіндігі (салық заңнамасына сәйкес) туралы ресми қаулы ғана ЖК ретінде жарна төлеуден босатады.

## Егер мүгедектігі бар болса, ЖК МӘМС-ке жарна төлеуі қажет пе?


▶ Жоқ, өйткені ол жеңілдетілген санатқа енеді.

Сондай-ақ төмендегі санаттарға кіретін жеке кәсіпкер жарна төлемейді:

- 18 жасқа дейінгі балалар;
- зейнеткерлер, оның ішінде ҰОС қатысушылары мен мүгедектері;
- «Алтын алқа», «Күміс алқа», «Батыр Ана» атағы, I және II дәрежелі «Ана даңқы» ордені бар көп балалы аналар;
- мектептерде, лицейлерде, колледждерде, жоғары оқу орындарында, магистратурада күндізгі білім алушылар.

## ЖК жұмыс істемейді, ешқандай кіріс жоқ. Мұндай жағдайда жарна төлеуі қажет пе?

- ▶ Иә, МӘМС жүйесінде жарна төлеу міндеті жұмыс істеп тұрған ЖК болу фактісі бойынша туындайды және ол табысқа байланысты емес. **Салық есептілігін ұсынуды тоқтатқан немесе жұмыс істемейді деп танылған** (ҚР Салық заңнамасына сәйкес) ЖК жарна төлеуден босатылады.



## ЖК МӘМС-ке жұмыс беруші ретінде қалай төлейді?

➤ Егер жеке кәсіпкердің жалдамалы қызметкерлері болса, онда олар үшін келесідей мөлшерлерде төлеуі қажет:


- жұмыс берушінің есебінен қызметкерлердің жалақысының 3% мөлшерінде, бірақ 25 500 теңгеден аспайтын (10 ЕТЖ-ден, яғни 2024 жылы 850 000 теңге) аударымдар;

- қызметкерлердің жалақысының 2% мөлшерінде, бірақ қызметкердің табысы есебінен 17 000 теңгеден (10 ЕТЖ-дан) аспайтын жарналар.

МӘМС-ке төлемді банктің кез келген бөлімшесі немесе мобильді қосымшасы, «Қазпошта» АҚ кассасы арқылы аударуға болады. Төлем мақсаттық коды (ТМК): аударымдар – 121, жарналар – 122.


## Егер жеке клиникаларға жүгінетін болса, ЖК МӘМС жарналарын төлемеуіне бола ма?

- ▶ Заң жеке кәсіпкерлерді бюджетке төленетін басқа да міндетті төлемдермен қатар МӘМС жарналарын төлеуге міндеттейді. **Сондықтан жарналарды төлеуден бас тартуға болмайды.**



## ЖК жарнаңы есептік айдан кейін төлей ала ма?

- ▶ Жарналарды ай сайын да, алдағы кезең үшін де алдын-ала төлеуге болады. Ал егер ЖК кейінірек төлесе, онда берешек пайда болады және МӘМС-те мәртебесін жоғалтады. Сонымен қатар, Мемлекеттік кірістер органдары төлемді кешіктіргені үшін өсімпұл есептейді.





## Азамат жеке кәсібін жапса, МӘМС жарналарын төлеуді тоқтатады ма?

- ▶ Егер жеке кәсіпкердің қызметі толығымен тоқтатылса, онда азамат ЖК ретінде жарналарды төлемейді. Бірақ МӘМС жүйесінде сақтандырылған мәртебесін сақтау үшін ол жарналарды дербес төлеуші ретінде төлей алады (2024 жылы ай сайын 4 250 теңгеден). Егер ол жалдамалы қызметкер болса, онда оның жұмыс берушісі жарналарды жалақының 2% мөлшерінде аударады.

